

Hab. circá *Erzeroum* cl. Huet du Pavillon.

SCORZONERA GAGEOIDES Boiss. (Sect. *Lasiozona*.)

S. tota densè et crispè albo-villosa, rhizomate tenui nudo (repenti?), caulibus tenuibus erectis internodiis nudis suprâ medium foliosis racemoso-subcorymbosis, foliis radicalibus paucis lanceolato-linearibus cauli subæquilongis plurinerviis internodiis angustatis supernè longè attenuato-acuminatis, caulinis ad pedunculorum ortum angustissimè linearibus capitula superiora superantibus, pedunculis lateralibus sub anthesi abbreviatis terminali elongato, capitulis minutis, involucri lanati phyllis lanceolatis acutis inferioribus paulò brevioribus, flosculis luteis involucrum paulò superantibus, acheniis junioribus hirsutis...

Hab. in ditione *Beloutschistan* cl. Stocks.

Caules tenues 6-8 pollicares in racemum 2-3 pollicarem 4-6 cephalum abeuntes. Folia radicalia semipedalia medium versùs 3-4 lineas lata ut et caules valdè lanata. Folia caulina angustissima summa setacea. Capitula e minimis generis ovata circiter sex lineas longa. Species quoad radicis indolem et achenia adhuc imperfectè nota habitu valdè singulari *Gageum villosam* quodam modo referens, propè *Sc. macrophyllum* Bunge in Lehm. (an F. et M.?) collocanda.

TARAXACUM DENUDATUM Boiss. et Noë.

T. rhizomate filiformi elongato ramoso (repenti?) nudo squamuloso nigro, collo inter squamas e basi persistenti petiolorum oriundas rufescenti-lanato, foliis... antè florum evolutionem jam exsiccatis, pedunculis e collo 1-3 capitulo 2-4plò longioribus monocephalis pulverulento-hirtis squamulâ minimâ unâ alterâve minimâ obsitis, capitulis mediocribus, involucri polyphylli phyllis glaucis triangulari-lanceolatis acutis apice minutè ciliatulis exterioribus brevioribus patentibus reflexis, acheniis pallidis angulatis striatis supernè squamuloso-muricatis rostro suo plus dimidiò brevioribus.

Hab. in Persiâ ad *Kirrind* propè *Kermanchah* cl. Noë. Floret Augusto.